

綵毫記

上

卷一

卷二

卷三

上

綵毫記

古本戲曲叢刊初集

古本戲曲叢刊編刊委
員會影印長樂鄭氏藏
汲古閣刊本原書版高
二十公分寬十三公分

綵毫記目錄

卷上

第一齣

敷演家門

第二齣

夫妻翫賞

第三齣

仙翁指教

第四齣

散財結客

第五齣

湘娥訪道

第六齣

爲國薦賢

第七齣

頒詔雲夢

第八齣

別妻赴京

第九齣

拜官供奉

第十齣

長安豪飲

第十一齣

預識汾陽

第十二齣

湘娥思憶

第十三齣

脫靴捧硯

第十四齣

祿山謀逆

第十五齣

游翫月宮

第十六齣

宮禁生讒

第十七齣

知幾引退

第十八齣

祖餞都門

第十九齣

母子慮禍

第二十齣

乘醉騎驢

第二十一齣

歸隱林泉

綵毫記

上

第一齣

末上

高人妙理通絃索

換羽移宮且爲樂

請看水底一燈明

照見蓮花都不着

滿庭芳洒落天才昂藏俠骨風流千古青蓮萬金
到手一日散如煙許氏清虛慕道與夫君同隸神
仙官供奉淋漓詩酒傲睨至尊前。名花邀綵筆
遭讒去國湖海飄然正遇永王構逆抗節迎邇豪

士挺身救難賴汾陽叩闕陳寃金雞赦還鄉復爵
夫婦得重圓

高常侍含沙妒寵郭令公納爵酬恩

許夫人采真洞府李供奉大隱金門

第二齣

生上

破齊陣寶劒秋呼風雨綵毫夜飲虹霓名擅雕龍
詩成倚馬清思裁雲剪水未抒天外冥鴻翅且養
山中隱豹姿男兒生自奇

天才磊落自髫年斗酒淋漓詩百篇佛果前身

號金粟仙姿現世是青蓮小生李白字太白隴
西成紀人也梁武昭王暕九世文孫太夫人誕
白時長庚入夢人言是太白星精學富珠璣倒
神女之三峽文成雲錦奪天孫之七襄清狂玩
世自負王佐帝師瀟灑出塵人擬仙風道骨搖
筆而出語驚人果然不食煙火策杖而尋幽避
俗生來雅志山林家本西秦習五陵之豪俠客
遊南楚愛七澤之汪洋相國許公妻以孫女名
喚湘娥揚寫飛鳳謾誇水月精神控鶴乘雲亦

有烟霞氣韵小生宿隸神霄乃伯陽之苗裔荆
妻舊侍王母儻飛瓊之後身各無心于香奩恥
懷繾綣並栖情于石室渴慕清虛今日日朗風
和值芳春之淑景沙明水碧當荆楚之歲時不
免請娘子玩賞則个

請介正旦扮許湘娥帶侍

女上

花心動紫閣青閨理靚妝好把羅衣初試嫩草抽
茵新柳垂絲嬌鶯啼上花枝春山不及修眉好問
小鬟粉黛還宜

今

向調闌画檻尋芳拾翠

相見介

生

娘子時屈韶華家臨雲夢你看雲山重叠時
時鳥度屏風烟水澄鮮箇箇魚遊寶鏡瑤瑟冷
冷波上時來帝子朱旗獵獵雲中恍睹荆王牙
櫓錦纜齊飛白浪長天画閣朱簾盡捲紅霞算
雨真个好处一派烟波光景也我和娘子玩賞片
時却不是好

旦

正該如此侍兒們將酒過來

集賢賓

生

春來雲夢天似水水邊樓閣參差十二

雕闌霞散綺看萬頃微茫無際鷗飛鷺起映兩岫
青蘋白芷

合

圖画裏人盡在琉璃寶地

前腔

旦

袷服新妝春自理菱花冷浸漣漪七澤三

湘辭賦美喜得壻相如可比峽雲巫雨羞說起高

唐風致

合前

琥珀猫兒墜

生

素書黃石進履圯橋時謝傳東山

雅自期白雲明月是心知

合

栖遲洞口春深幾度

薔薇

前腔

旦

錦心繡口下筆太淋漓才子風流世所稀

時來應作帝王師

合前

官人妾雖身居閨闈性帶

烟霞雅慕長生願希度世聞廬山女道士李騰

空得金液還丹之術服炁辟穀出神飛形妾身
欲携女使一二褻娘訪之山中叩求大道未審
官人意下如何生男子得道隸籍木公女子成
真列名金母自古有之娘子宿占仙班生有道
氣騰空女子何妨采真卑人當作詩送行也旦

多謝官人又有一事奉告妾家有薄產數十萬

金在揚州多年不曾經理意欲煩你一行尊意

肯否

生

廣陵天下佳麗龍舟帳殿有煬帝行宮

二十四橋烟花無恙卑人正欲一往遊覽

旦

如

此甚好明日打點行李先送官人東遊妾乃西
行訪道也

簇御林

生

行宮廢帳殿移御堤荒烟草迷江都絲

管依然沸傍朱樓且取金樽醉

合

謾淒其河橋明

日分手各天涯

前腔丹霞畔碧水湄訪仙踪拜女師玉清金笥玄

言祕餌飛虹一粒堪遺世

合前

勞歌一曲解行舟

人自傷心水自流

煬帝行宮何處是

烟花三月下揚州

第三齣

外扮司馬子微上

夜行船 家在天台華頂上丹臺名姓烟霞骨相碧
落千尋紅霞百丈聽一派僊音嘹唳金幢綉柱嚮
旂鈴帝許名山住福庭頂上真人時出現夜深
朗誦蓋珠經貧道覆姓司馬名承禎字子微洛
州溫邑人也名藏丹室佩清華大洞之章身居
赤城傍桐栢真人之府道高于都水監拜敕玉
霄峰頂位列于東華君承恩紫極宮前隴西李
白原是天上星官謫居塵世才華絕代風骨超

羣貧道慮其纏綿婚宦迷却宿緣終墮落于人
間何由再返于天界今日此人東遊維揚道經
江陵不免與之相見點化他一番遠遠望見李
太白來也

生帶從人隨上

前腔白浪黏天浮画舫雲飄零亂沙鷗下上霞氣
初澄遙空更敞雅稱我芒鞋竹杖

相見介外李先

生稽首

生

仙翁拜揖念小生與仙翁素乏平生

何以見顧

外

貧道偶見先生仙風道骨可與神

遊八極之表故爾邂逅欽注高風

生

多謝弘獎